

Sa Dihang ang Tanang Relihiyon Magkahiusa

Leksyon 31

1. **Ang mga hugaw nga espiritu migawas gikan sa mga baba sa unsang tulo ka mga hulagway diha sa bugna?**

Pinadayag 16:13 _____

2. **Ang mini nga profeta nailhan isip usa nga nagbuhat ug unsa?**

Pinadayag 19:20 _____

Kini nga mga buluhaton gibuhath pinaagi sa ikaduhang mananap nga mapintas sa Pinadayag 13, ang Estados Unidos sa America (Itandi sa Pinadayag 13:14). Kung gipasabot usa ka “mananap nga mapintas”, sama sa Kapitulo 13, ang pagtagad anaa sa pulitikanhon nga gobierno sa nasud. Apan kung gipasabot isip usa ka “mini nga profeta”, ang pagtagad sa dili masayop diha gayud sa relihiyoso nga elemento sa nasud. Ang pinakauna nga relihiyon sa Estados Unidos mao ang Protestantismo. Ang Pinadayag 16:13 sa pagkatinuod naghulagway sa panaghiusa niining tulo ka mga klase sa relihiyon: Paganismo o Espiritismo, Katolisismo, ug Protestantismo.

Daghan sa mga Protestante ang wala makasayod o mahadlok sa nagpadayon, kusog nga paglambo sa gahum sa papa. Sa walay pakabana sa ilang kalahian, ang mga pangulo sa Protestantismo nagsugod sa pag-amural sa kahimuot sa Roma, sa hinayhinay nag dula-dula sa ilang kaugalingon ngadto sa kamot sa sistema nga diin ilang mga ginikanan kaniadto mihatag sa ilang kinabuhi tungod sa ilang pagdumili.

3. **Unsa ang gisulti kanato mahitungod niining mga mahugawng espiritu?**

Pinadayag 16:14 _____

Ang Espiritismo gihulagway isip usa sa pinakadaku nga lingla sa katapusang mga adlaw. Ang mga Espiritu sa yawa, nga nanagpakita ug mga milagro mahimong mupakita isip mga ministro sa katarung. Langitnong mensahero, o bisan mipanaw nga mga hinigugma (tanawa Leksyon 10). Kini nga mga milagro, nga gibuhath pinaagi sa gahum sa mga yawa, igapakita isip mga pamatuod sa ilang balaang kagikan. Ang ato lamang taming batok sa mga ilad mao ang kaalam diha sa Kasulatan.

Ang pagtoo nga ang mga patay adunay buot, sama sa gituohan sa halos matag Protestante nga grupo, mao ang patukuranan nga pagtoo sa espiritismo, ug mao ang unang dakung ilad pinaagi niini si Satanas naghiusa sa katawhan ubosa sa iyang lingla. Kini, uban sa sayop nga pagbalaan sa Domingo, naghiusa sa mga pundok ug naghikot kanila uban sa Roma.

4. **Kini nga tulohon nga panaghiusa magadala ngadto sa paghiusa ni kinsa?**

Pinadayag 16:14 _____

“Managsaba kamo, Oh mga katawhan, ug managkatibulaag kamo.” “Panagsabut kamo, ug kini mahimogn walay sangputanan.” Isaias 8:9-10

5. **Sila nga misalig diha katipontipunan kinahanglan unta magbutang sa ilang pagsalig kang kinsa?**

Isaias 8:12-13 _____

6. **Gipakita kang Juan ang hukom ni kinsa?**

Pinadayag 17:1 _____

Kita nakatuon sa Leksyon28 nga ang usa ka “babaye” sa simbolo sa profesiya nagrepresenta sa iglesya o sistema sa relihiyon. Samtang ang putli nga babaye nagrepresenta sa tinuod nga iglesya sa Dios, ang babaye nga bigaon mao ang pinaka haum nga simbolo alang sa dunot nga systema sa relihiyon (tanawa Jeremias 3:1-8, 20; Ezekiel 16:15-43; Jeremias 13:27).

7. **Kang kinsa siya nakabuhat ug pagpanapaw?**

Pinadayag 17:2 _____

Walay relihiyosong pundok nga sa kasaysayan nalambigit sa mga hari sa yuta gawas sa papado nga sistema sa Roma.

8. **Ang mga lumulupyo sa yuta nahubog sa unsa?**

Pinadayag 17:2 _____

Sa Mateo 9:17 si Jesus migamit sa hulagway sa bino nag nagpasabot mga pagtulun-an o doktrina. Ang “bino” sa Pinadayag 17:2, isip makahubog, magpasabot sa mini o dunot nga mga pagtulun-an.

9. Unsa nga mahalon nga dayandayan ang naghulagway sa hilabihang kadato niini nga relihiyosong pundok?

Pinadayag 17:4 _____

10. Sa unsa man siya nahubog?

Pinadayag 17:6 _____

11. Unsa ang pangalan nga nasulat dih sa agtang sa babaye?

Pinadayag 17:5 _____

Ang Tinuohan ni Papa Pius IV, Artikulo 10, nag-ingon, “Ako miila sa Balaan nga Iglesya Katoliko alang sa inahan ug pangulong inahan sa tanang mga iglesya.”

12. Unsa ang nahitabo sa iyang mga anak nga babaye?

Pinadayag 17:5 _____

“Kung unsa ang inahan, mao usab ang iyang mga anak nga babaye.” Ezekiel 16:44. Kadtong mga denominasyon nga migawas gikan sa Katolisismo, apan diin naghupot sa iyang mga doktrina ug nagsunod sa iyang kalibutanong mga kalihukan nahulagway diha sa dili maayo nga sinultihan kaysa sa iyang inahan.

13. Unsa ang mahitabo sa iyang mga anak?

Pinadayag 2:23 _____

14. Unsa nga mansahe ang gisangyaw sa ikaduhang manulunda sa Pinadayag 14?

Pinadayag 14:8 _____

Kini nga texto nagtawag sa mas lapad nga pagsabot sa pulong “Babilonya”. Tungod kay kini nga manulunda nagpahibalo sa pagkahulog sa Babilonya, siya nagpasabot ngadto sa mga relihiyon nga kaniadto maayo ug nga karon nahimong dunot. Kini nga Babilonya dili mao ang Katolisismo, tungod kay kana na sistema humana nahimong dunot sa daghang gatusan nga tuig ug walay kausaban nga nahitabo.

Sumala niini nga bersikulo, ang Babilonya nailhan pinaagi sa iyang “bino”, nga mao ang resulta sa iyang pagpanapaw sa kalibutan. Kana nga hulagway magamit ngadto sa bisan unsa nga organisasyon nga nagtuldo sa doktrina nga supak sa pulong sa Dios.

Ang pulong Babilonya, gikuha gikan sa Babel, nagpasabot ug kalibug (Genesis 11:9). Dili ba kini nga pulong naghulagway sa dili mayhap nga nagkasumpaki nga mga sekta sa Protestantismo? Kining ikaduhang manulunda gipadala aron sa pagpahibalo sa moral nga pagkahulog sa tanang denominasyon nga mibiya gikan sa tinuod nga doktrina sa pulong sa Dios aron sa pagtudlo sa mga doktrina nga gipasikad diha sa mga kasuguan ug mga tradisyon sa mga tawo.

15. Sa unsa nga mahulagwayong pulong ang naghulagway sa moral nga pagkahulog sa Babilonya?

Pinadayag 18:2 _____

Kini nga manulunda nagpahayag nga ang espiritismo naghugaw sa mga moderno nga mga iglesya. (Ug ang tanang kanasuran nahisalaag tungod sa imong lumay.” Pinadayag 18:23

16. Unsa ang dugang nga sumbong nga gihatag batok kaniya?

Pinadayag 18:3 _____

“Ang bino.” Apil sa mga mini nga mga doktrina diin ang tanang nasud nahubog, ang pinaka delikado mao ang pagbantay sa Domingo, diin nagyatak sa ikaupat nga kasuguan.

“Ang mga hari sa yuta.” Ang mga Protestante nahimong nagkalambigit sa mga kalihukan sa governo. Kini nga relasyon sa relihiyoso nga mga grupo uban sa mga hari sa yuta usa ka hulga nga paril sa pagbahin nga kinahanglan mahitabo tali sa iglesya ug nasud. Sa dihang kini nga paril mawala, ang resulta makalilisang.

“Ang mga negosyante sa yuta.” Ang profesiya nagtagna nga ang tinugyanan sa ekonomiya mahimong usa ka importante nga galamiton diha sa mga katapusang panghitabo sa relihiyosong pulitika.

Unsa ka makapaguol nga talan-awon sa moderno nga relihiyon. Bisan ang mga Protestante nga mga Reformador nagsunod sa matag sidlak sa kahayag nga ilang naangkon, ang organisasyon nga nagdala sa ilang mga pangalan napakyas sa paglambo ngadto sa hingpit nga kahayag, ug nahulog gikan sa kaputli sa pagtoo nga kaniadto ilang nadawat.

17. Unsa ang katapusang panawagan nga nadungog gikan sa langit?

Pinadayag 18:4 _____

Diha sa Kahayag sa Pulong sa Dios....

- Ako nakasabot nga ang Bibliya nagtagna sa usa ka kalihukan nga maghiusa sa tanang relihiyon, ug nagtawag niini isip Babilonya.
- Ako nakasabot nga, samtang ang bantugang babayeng bigaon nga mao ang Babilonya nagrepresentar sa inahan nga iglesya nga nagpostasiya, mao usab ang iyang mga anak nga babaye nagrepresenta sa mga relihiyosong grupo nga milambo gikan kaniya.

Dugang komentaryo: _____

Pangalan: _____

Sunod nga leksyon: **Mahimo ba Ikaw nga Anak nga Lalaki ug Babaye sa Dios?**